

四庫全書

集部

欽定四庫全書

御訂全金詩增補中州集卷四十八

李俊民五

謁秦吳二主廟

三月十八日與馬子溫郭謙甫楊茂之叔姪劉濟之  
君祥仲寬姚子昂邢文炳同行

頽垣陟殿夕陽中  
血食須同事不同  
揖讓干戈兩陳迹  
酌觴拋與落花風

杖藜行處記曾過草草杯盤野興多舉目山川總如舊  
一場夢抵幾南柯

中秋夜夢

中秋前一日夢入僧寺來往人物有送別意須臾有  
一麗人於橐中出一春衫再四整疊欲相贈間而雨  
作趨避漏屋中其人行歌而至雨立聽之歌未終而  
覺故為記之

征衣不用贈春羅試聽樽前一曲歌為問從來雲雨事

如何偏向夢中多

讀項羽傳

鴻溝時暫割山河  
楚國山河一半多  
欲去故鄉誇富貴  
不知沛有大風歌

糟筍

甕中有地可藏真  
子子孫孫麴蘖醺  
誰是聖之清者後  
此君應負此君君

伯夷孤竹君之子

新樣團茶

春風傾倒在靈芽纔到江南百草花未試人間小團月  
異香先入玉川家

重午偶題

只為離騷話獨清至今猶恨楚君臣魂招不得歸何處  
閒氣都留與艾人

子猷訪戴圖

雪後山陰本乘興似非特為故人來縱能一見戴安道  
船未回時心已回

和籌堂途中即事

悠悠旌旆出山城  
世事驚心幾變更  
水郭烟邨誰是伴  
老夫矍鑠尚堪行

斗酒中間詩百篇  
錦囊新句落誰邊  
無窮山水吟難盡  
說似畫師僧巨然

指楊舅彥明

船子和尚圖

千尺絲綸在手中  
月明歸去滿船空  
寒江豈是魚難釣  
釣得還將不釣同

和河樓閒望

孟州

去去來來不繫舟至今師渡幾時休  
洗兵豈是天無雨盡逐黃河入海流

一夜長空落將星不知誰抱越人冰  
中原可惜衣冠地自古以來多廢興

用籌堂韻

清樽莫惜再三開別後何曾得好懷  
為向綠衣花使道杖藜不是等閒來

答滿法師

此身分付水雲間  
不見高人得句難  
待學江西立公案  
便宜築箇小詩壇

和秦禪

淡泊生涯分自甘  
十年霜葉碎青衫  
忽從問道山前過  
牧馬之兒是指南

橙數珠

水月禪師有橙數珠  
竹如意恨不見作者之句  
鑿空



道其髣髴

典刑釀出洞庭霜只取青圓不待黃凡俗盡從千佛轉  
忘言老宿但拈香

從頭細轉梵王經一串秋香得洞庭為報重甦當自惜  
菩提有樹共青青

竹如意

曾為彈琴指甲傷有時曝背竹書光不須爬癢倩仙爪  
忍待一朝春筍長

即時參得指頭禪  
說似家風玉版傳  
一日佛堂光自放  
我師歇在古靈前

雪菴二梅圖

老樹風光百不堪  
畫圖髣髴見江南  
為君試草花間賦  
未必心腸似雪菴

贈碧落和講主

蕭蕭古寺掩松間  
雨後無人草木閒  
掃地家風誰舉似  
我師特特為開山

跋賓子溫江山圖

淼淼澄江欲拍天  
參差烟樹老江邊  
舉頭不見長安日  
一棹秋風載酒船

留別草堂諸友

青山莫厭往來頻  
野鶴孤雲自在身  
客路傍春風色好  
明朝便是遠行人

裴公亭

青山如畫水如藍  
自笑平生性僻耽  
樽酒流連妨逸興

不能一到侍中庵

與奉仙觀道士元明道

野鶴飄飄性自高徘徊塵世豈難拋棲真舊隱無多地  
何處仙山不可巢

富公草堂

青山重疊水縈回山水中間幾往來風物不殊人世改  
中州何處是昆臺

謝楊成之

與客西從濟上回明朝扶杖到雲臺一樽相送休頻勸  
留作山行軟脚杯

答籌堂見招

須信人生足別離相看能得幾多時浮雲一片無根蒂  
去去來來自不知

日日相陪鶴髮翁烏紗白葛道家風火雲堆向山南去  
暑氣蒸人似甑中

俯仰隨人亦自欺精神無復似當時年來世事俱嘗遍

只有閒中味不知

冠世聲名蓋世功尋常杯酒坐生風區區問舍求田客  
盡在元龍一笑中

日日言歸未得歸白頭纔是入山時依前却趣逍遙出  
慙愧山靈我不知

誰謂長河不可通只消送客一帆風故人別後情偏重  
猶恐相逢是夢中

史遂良壽日

任他白髮不相饒兩頰春紅醉裏潮  
今夜鳳凰臺上月  
未知誰可共吹簫

和王季文襄陽變後

將軍橫槊面潮紅一舉淮南掃地空  
堪笑楚人無伎倆  
至今猶說馬牛風

張羽卿出家

絳帕蒙頭讀道書  
孫郎見後肯容無  
休將僥倖乖名教  
天上瞿仙即是儒

黿背元夜

山市家家秉燭游  
風簷齊挂月燈毬  
不須更用閒妝點  
人在黿峰最上頭

許司諫醉吟圖

席地風光引興來  
不辭白髮被春催  
眼前有句貪拈掇  
閒却梨花樹下杯

秋江斷鴈圖

不堪愁裏見秋光  
江北江南木葉黃  
誰信朔風猶跋扈



天涯吹斷弟兄行

遊石堂山

與史正之王廷秀姚子昂郭顯道李廣之同行

雨後青山畫不如算心人去有誰居紫雲空鎖神清洞

不見丹崖四字書

邢和璞算心處歐陽文忠公神清之洞

句龍廟

溪行十里氣如蒸危檻憑虛不厭登咫尺仙山在塵世

杖藜來往幾人曾

烟山疊嶂圖

揮毫落紙生雲烟江北江南水墨天  
愛畫主人胸次別卧游不用買山錢

千里江山圖

曾把雲山爛漫酬杖藜隨處賈胡留  
如今脚力那千里水墨中間只卧游

答祁定之

歸袖迎風拂面埃青山望處白雲埋  
如何千載離家鶴

學得仙時不便來

戲贈

布袍襤褸化風埃是處青山骨可埋  
三笑家風幾時了我師容易去還來

雪中寄

秋空一洗絕纖埃著脚街頭雪半埋  
試問希真門下客衣裳曾有葛三來

不寐

露下中庭鶴睡驚  
娟娟缺月照窓明  
夜深讀罷床頭易  
紙帳梅花夢不成

西山問羊

淡泊不禁頻畝飯  
尋常無以致氈根  
西山澌澌多於石  
肯與書生踏菜園

暮秋有感

亂鴉無數噪寒林  
林下風吹落葉深  
惟有黃花枝上露  
向人猶似泣殘金

即事

將軍下馬氣如虹書生折腰曲如弓  
好山無限歸未得白雲慚愧渡溪風

即席

秋色南山氣勢高坐間杯酒話麤豪  
自憐萍梗天涯客俯仰隨人似桔槔

陸渾佛髻山

十步都無一步平往來人似畫圖行  
可憐一派溫泉水

不與荒山洗惡名

湯下寺壁

滾滾龍泉自吐吞誰能箇裏混光塵再三遶壁尋題句  
饒舌山禽不避人

跋背面彌勒

萬里千山特特來漫勞皮袋走塵埃橫擔拄杖明州去  
世上誰能喚得回

題斷碑

節物催殘卧夕陽豈無神物護文章一從薦福雷轟後  
片石猶爭日月光

遊青蓮寺值巨川彥廣二上人出

寂寂荒庭落葉堆與誰重上遠公臺青山不解留人住  
立盡秋風人未來

戲曹漢臣

一見高僧話亦高醉中往往愛禪逃爾曹自謂曹溪後  
不怕曹溪笑爾曹

碧落院松

霜幹亭亭聳碧空  
幾年春雨養髯龍  
也能說得菩提法  
何處人間有萬松

陶學士烹茶圖

斗室天寒對酪奴  
竹間雪鼎與風爐  
書生事業真堪笑  
却謂粗人此景無

修武騫林觀

道經天上有玉京  
山騫林觀



清晨帶雨暫登臨往事看碑或可尋不是青牛洞中見  
人間何處有騫林

射虎

逐鹿中原鹿已無功名那在一於菟分明射中南山虎  
李廣原來不丈夫

答籌堂

寄詩有青燈佳話正當時之句見其戀戀之至也用  
來韻答

休嫌堂上聚星池

懷宮有聚星堂

邂逅人生似有時難泰恐忘

今後約預先報與巨卿知

參謀王君玉魏文侯冒雨出獵圖

旌旗冒雨入山林畢竟馳驅獲幾禽  
自是魏侯言不負當時只合獻虞箴

抱樹石

火餘介子身猶在槁立鮑焦心愈堅  
欲向前却問遺叟石荒樹老不知年

和王成之梅韻

踏雪尋芳路帶沙  
南枝初放兩三花  
高樓寄語休吹笛  
留取春風與大家

狂風

春光著物酒加濃  
白白紅紅眼界中  
又是一場蝴蝶夢  
能禁幾度落花風

遊錦堂後園

與濟之君祥仲寬子昂共

妝點園林次第新  
野花無數不知名  
即時喚起閒中興  
慚愧陶家趣未成

袁景先東歸喪馬

汗血奔馳死節休  
東郊骨骼有誰收  
收舉鞭遙指前山路  
野草閒花滿地愁

長鞦短轡慣騎驢  
今日徒行為的顱  
得失從來等閒事  
未知愁得塞翁無

玉李花

盤根春後幾枝分似比樹頭花更新落月試將顏色照  
便如傳得謫仙神

半丈紅

豔冷香清是就中等閒不肯媚春風東君也恨無顏色  
染出枝頭點點紅

溪竹

崎嶇一徑逐溪斜泛泛溪流帶落花為問風前雙燕子  
銜泥飛去入誰家

吳神

山頭多少往來人  
香火爭將瓦鼎焚  
簫鼓下山人漸遠  
晚風吹起一溪雲

過古塞

繫馬垂楊日半斜  
荒村籬落兩三家  
可憐華屋生存處  
瓦礫堆中幾樹花

山陽與諸友話舊

尋芳來入杏花村  
見客人人有典刑  
不用看碑問前事

坐間一話卽圖經

邵氏院看花

婀娜花枝不耐寒就中姚魏欲開難賞心未愜空歸去  
更待明朝爛漫看

長平懷古

趙括雖能讀父書長平一舉見規模縱橫戰國俱陳迹  
只有青山似畫圖

古松

為嫌紅紫汙家風故向春來學種松  
祇恐等閒兒女輩輒將斤斧損髯龍

勸行

衣錦山前往復來莫教酒興盡時回  
前村見說無深巷留向谿堂把一杯

留別

耳畔頻頻杜宇聲馬頭山色翠相迎  
一杯不盡留連意送客風來便好行



送母受益之洛陽

有心待種洛陽田  
早趁西風送客船  
借問梅花堂上月  
不知別後幾回圓

寄大師孫仲遠講道經

鶴骨仙人別後臞  
無由得近嘯臺居  
我師不了孫家事  
絳帕蒙頭說道書

德老瑞竹二首

主人本望鳳來棲  
遂把孤根特地移  
不念平安猶未報

誰教節外又生枝

籜龍日日斧斤間  
可惜孤根托處難  
待得上番成竹後  
一枝還作兩枝看

山前偶得

白頭來往話誰親  
琴酒重尋別路雲  
縱使山英不相棄  
奈無面目見移文

為圖克坦雲甫作

萬里相將鶴髮親  
倉惶未拂綠衣塵  
眼中滴盡孤寒淚

誰是同門請衆人

男兒餬口在四方聚蚊成雷不可當  
孝哉穎叔豈無恥  
恐君之羹猶未嘗

過碧落寺

流水溪邊一徑通參差殿閣倚晴空  
東林少箇開山祖  
何處人間有遠公

古寺荒涼不記年庭松相對欲參天  
入門不見溪堂主  
祇恐蒼髯是老禪

趙

欲憑從約抗強秦  
完璧那能係重輕  
兩虎共圖全國計  
豈無一術救長平

紛紛列國事縱橫  
誰似邯鄲得地形  
會罷澠池方氣勝  
不思嫁禍有馮亭

觀射柳

羽箭星飛霹靂聲  
追風馬上一枝橫  
平生百中將軍手  
不意今朝見柳營

戒酒

誰肯收心醉六經  
只言酒是在天星  
若能讀得離騷後  
學取先生半日醒

遊青蓮分韻得春字

并序

已亥暮春十有八日  
劉巨川濟之邢漢臣王特升用  
亨郭甫仲山姚昇子昂史顯忠  
遂良同遊福嚴禪院  
與巨川彥廣二山主道舊兵革之餘  
不勝感嘆仍以  
春山多勝事為韻賦詩以紀其哀

四面山圍故故青  
茶烟榻畔坐忘身  
與師貪論安心法  
門外飛花送却春

慈氏閣

金碧相輝跨杳冥  
憑高佇目記吾曾  
勸君試倚欄干望  
愧我今無脚力登

出山

興盡東山命駕忙  
斷雲微雨兩商量  
出門卷地狂風起  
送客何須爾許狂

水簾

倒傾蛟室瀉瓊瑰  
派落空巖雪浪堆  
卷地封姨收不起  
素娥垂下玉鈎來

柳二首

一年春色到溪頭  
展盡眉間幾點愁  
纔得東君暫時意  
笑他張緒不風流

千絲萬縷弄風柔  
為愛春陰盡日留  
杖履重來有佳處  
道人鑿石治清流

臨清臺

與諸友憩於臺上須臾四面雲合垂垂欲雨

忽驚平地一聲雷爍爍驕陽氣欲回安得滂沱片時雨  
臨清臺是望雲臺

登山興盡早宜歸況是東風送客時只有臨清臺下水  
怪人來此不留詩

懷舊

杖藜重到古招提硤石雲深一徑迷不見同來舊時伴



怕看雙翠壁間題

新安

芳草原頭一望空  
村南村北落花風  
可憐當日堆錢屋  
寂寂無人晚照中

過二聖王氏故居感戰死者

數仞牆圍石作基  
幾年風雨長苔衣  
英雄地迫難為計  
血汙遊魂不得歸

擲筆臺

空山老却涅槃師  
擲筆臺前旦過稀  
雉子豈知身後事  
至今猶傍法堂飛

子榮過家上冢

班超萬里歸無期  
張翰雖歸如不歸  
君看畫錦堂中相  
十五年前一布衣

名遂功成不肯閒  
故鄉曾見幾人還  
百年扶杖華顛老  
爭看錢家錦繡山

勉和籌堂來韻

往古來今秋復春  
羸顛劉蹶總成塵  
蝸牛角上爭閒氣  
笑倒南華夢蝶人

氣似陽和處處春  
但隨流俗混光塵  
須知舌在為身累  
非是是非何等人

四海男兒得志時  
歸來一段話新奇  
野人不管興亡事  
飲恨閒看老杜詩

漢祖龍興自有時  
未應六出計皆奇  
採芝人向山中老  
不見功名一首詩

送潁陽史正之之鄧州

風俗相隣馭舌蠻杖藜南去早宜還今年已近強而仕  
捷徑休離少室山

贈陳仲和

并序

吾友仲和故遼尚和太師之後以廕補官累階三品  
喪亂之際相會於山陽年六十有二神閒而意適手  
持數珠日誦佛書不輟真髮僧也因誦飽諳世事慵  
開口會盡人情只點頭之句以此意索詩因書以示

之

百年浮世落花風  
漆水榮華一夢空  
拈起數珠都忘却  
大千世界入圓融

和秦彥榮韻

花信風傳閨苑香  
騰空鶴駕望仙郎  
當年誰為看爐鼎  
曾得丹砂入藥囊

碧落途中遇雪

出郭山行十里餘  
據鞍擁鼻一臞儒  
飛花落在吟肩上

便是藍關遇雪圖

山陽值雨


掃地陰雲撥不開  
北風吹落豆稽灰  
相逢父老應相笑  
直待山頭白後來

呈濟之

朝醉暮醉幾時休  
雞黍人家見客留  
聞道麴生行處有  
西風明日趁扶頭

留別

故人不寄一枝梅  
親到前村雪裏來  
興未盡時還又去  
為君更覓煖寒杯



御訂全金詩增補中州集卷四十八

# 欽定四庫全書

集部

御訂全書詩增補中州集卷

四十九  
五十

詳校官中書

臣張虎拜

主事銜

臣徐以坤覆勘

總校官編修

臣王燕緒

校對官編修

臣勵守謙

謄錄監生

臣黃嘉靖



欽定四庫全書

御訂全金詩增補中州集卷四十九

李俊民六

和籌堂送別韻

山城望斷首重回猶勸春風馬上杯有似衛軒當日鶴  
羽毛養就却歸來

白髮相逢得幾回離亭苦勸送行杯元龍不識求田意  
徒使青山笑往來

和河上送行韻

沁南幕客盡詩豪  
斧月斤雲得句高  
吏部文章笑東野

若為自比倚松蒿

有芝蘭元宵伴蓬蒿之句

蟻戰圖

聲勢何勞關似牛  
看看一雨到山頭  
大家不肯勤王去  
只待槐宮壞即休

膠膠擾擾戰爭多  
歲月循環得幾何  
樹下老人觀物化  
夢魂應不到南柯

畫鶴

兩翅如輪骨已仙  
昂昂只合在林泉  
且休相逐乘軒去  
自有人謀二頃田

海棠露

輕風嫋嫋泛崇光  
長恨司花不與香  
春睡一聲鶯喚起  
却教老眼見啼妝

張氏肯堂

張文定公後

百年蘭玉水邊村  
萬軸牙籤席上珍  
同隊魚中見頭角

一朝富貴異於人

上陶固嶺

匆匆出郭曉風寒一片雲收爽氣山上盡坡陀試回首  
人家住在翠微間

野菊

風露叢中取次芳愁邊過却幾重陽秋光到處多無主  
不是閒花不肯香

席次

不到西山二十春風光別後一番新再三點檢樽前客  
白髮相看有幾人

驢為人盜去

磨嫌居士謀生拙碑恨詩人下道看好在隔花臨水處  
為誰信轡逐金鞍

長街愁殺鄭昌圖便是徒行魯大夫縱復東家借還許  
不知泥滑敢騎無

淵明歸來圖

一旦倉惶馬後牛衣冠從此折腰羞先生不是歸來早  
束帶人前幾督郵

席上戲李巽之

薰風原上麥連雲簫鼓家家樂社神半醉樽前喧語笑  
老夫愁獨淚沾巾

和史邦直橋上韻

規模杜預見成功橫截長流跨彩虹亭長莫邀來往客  
須防中有奪牛公

韓伯休奪牛公

過龍門

流水潺潺漱石根又還懷古過龍門行人但禮龕中像  
誰識當年禹鑿痕

七夕

雲漢雙星聚散頻一年一度事還新民間送巧渾閒事  
不見長生殿裏人

姪謙甫任長安回

歸去連昌憶舊遊長安回望使人愁只誇楊氏錦繡谷

曾上李家花萼樓

枝連葉附本同氣骨親肉疎今幾家但留濟叔易一卷  
與送蔣兄麻兩車

母師聖醉歸夜溺伊河抱橋柱而死

日日貪杯醉不醒待將風味學劉伶可憐王子龕前水  
夜半寒光落酒星

和張文玘

來詩有匠手今逢老作家之句因用韻和



景物秋來件件佳江山都助與詩家我憐五鬼俱難送  
先為文章結柳車

白髮詩人喜誕誇詞源傾倒少陵家問君讀後書多少  
得滿當年惠子車

書生幢下布衣多盡是嘲風詠月家若使烏臺不彈後  
看看欲載十牛車

山谷文章六經來汗漫十牛車

數間茅舍老生涯籬落相依四五家不見近來門外轍  
故人應駕角輪車

和籌堂送迎偶得

懷抱歸來強自寬  
相逢賴有舊青山  
郊原雨後堪圖畫  
勾引詩人興不閒

出門天地望中寬  
馬首濃迎著色山  
詩句滿前無可道  
恨今不復見閒閒

畫手從來說范寬  
何如著眼看真山  
天公不欲山無主  
分付籌堂好處閒

詩愁誰道酒能寬  
得句多於飯顆山  
莫使移文誚長往

工夫那取片時間

和籌堂述懷

長恨周人詠黍離不期親到閔周時一朝小雅廢將盡  
何處如今更有詩

白頭相見話存亡可惜漫漫夜轉長煩惱盡無安腳處  
出門十步九羊腸

訪德老

月下與君瑞邦直從籌堂攜酒訪德老既有詩見

示因用韻和

夜投破戒遠公家醉墨成章點不加堪笑穎師無手段  
聽琴人似聽琵琶

一朝不飲奈愁何月下敲門載酒過佳句曉風楊柳畔  
醉時吟了醒時哦

老杜醉歸圖

花下騎驢不踏泥花間醉後復何之殷勤驥子扶歸去  
明日重來別有詩

保漢公廟

倉惶劉氏未能安  
跋扈將軍力拔山  
若使楚人如郤子  
肯教義士不生還

戲呈節使王子告

喚取佳人舞繡筵  
醉中往往愛逃禪  
我無紅袖堪娛夜  
翠被薰香獨自眠

戲北臺孫講師仲遠

何處閒田不可耕  
山頭烽火水邊營  
道人高卧雲千頃

留取南臺與鶴鳴

悼蜀

劍閣誰知累卵危  
厭厭賓主醉無時  
蜀人不識忠臣淚  
剛道嘉王是酒悲

元夜與泰禪浴陽觀燈

行歌聲裏落梅風  
爍爍華燈萬盞紅  
何似吾師方寸地  
一輪明月小參中

歷陽侯

范亞夫

韓生去世冠軍廢，獨望楚強心。  
亦勞漫向鴻門撞玉斗，豈知鹿死在金刀。

鄴食其

多少中原逐鹿人，獨憑片舌下齊城。  
淮陰不喜書生事，能免他年獵犬烹。

四皓奕棋圖

坐看咸陽王氣收，豈無人傑自安劉。  
都緣鴻鵠心長在，一局閒棋不到頭。

王季文南邁怏怏不得意書此以緩之

大家都待倚欄干  
摘索幽花草棘間  
方便春風無不到  
忍教雪裏一枝寒

代別呼延路鈴

森森戈戟亂如麻  
剛把毛錐傍史家  
彈鋏去年門下客  
白頭今日又天涯

襄陽守史嵩

梅花堂小酌同河南馬師

往來不絕鄭崇門  
清濁那分北海樽  
今夜梅花堂上月



與人作箇好黃昏

過濟源

幾年不到竹梅間  
天際歸來兩鬢斑  
一片白雲風掃盡  
雙明喜見舊青山

壬寅九日和君玉來韻

山城與客醉陶然  
日日相陪費萬錢  
馬上行人幾時去  
一杯我欲助離筵

書生紙裏亦枵然  
欲去街頭拾百錢  
寄語西風莫相笑

一杯便是菊花筵

和段正卿韻

出入格

悠然相對酒杯閒忽有新詩落坐間  
喚起東籬無限興  
黃花須待與君看

百計尋閒不得閒功名那取片時間  
誰知九日龍山客  
却被秋光冷眼看

秋日有感

節氣先凋一葉桐人間何處不秋風  
梁園勝事隨流水

滿目愁雲鎖故宮

賈佐之以進士充軍被撻

便從甯越立威名可信王尼長作兵著甚不談軍旅事  
碧油幢下盡書生

孤村

舍南舍北地多荒三兩

闕

士盡歸箕斂手

未應醫得眼前瘡

解嘲

樽前共醉潑醅香下馬誰家白面郎見說千金能買笑  
老夫那得一錢囊

王德華默軒

春秋豈敢措一字賓主不須談兩都萬事盡皆皮裏著  
為君終日鼓隴胡

對棋

到頭不可託安危那用搜尋局上機縱出吳宮陣圖外  
陰山未免嫁明妃

送苗世顯歸上黨

故人千里寄書來，長恨天涯喚不回。  
行路難行澁如棘，

歸裝莫待北風催。

時河北防秋

跋魯直帖

雞毛不擇三錢筆，蠅尾揮成一幅書。  
莫使觀江神會得，因風奪去錦囊虛。

許道真醉吟圖

斷蓬踪跡寄天涯，老去情鍾戀物華。  
回首錦江春寂寞，

一杯愁裏賦梨花

道真號錦江漁隱

探官

版圖填寫百官志  
楮券類排千字文  
堪笑吾儒多伎倆  
一時鬻爵僭吾君

跋馮應之許司諫換羊帖

還思寫論付官奴  
想見臨池興有餘  
莫把家雞等閒厭  
恐教人笑換羊書

同申元帥遊司馬山

千年古廟映崇岡寂寂空庭草樹荒  
見說旱時求得雨一池猶有老龍藏

戲楊成之

客路風霜頗倦遊出門又是一番愁  
行人立馬無情甚扶上征鞍不自由

李晉王墳

雄名凜凜振沙陀為國功深奈老何  
多少三垂岡上恨伶人都進百年歌

游沁園

多少庭臺墮劫灰  
勝游踪跡幾殘碑  
風流人物今誰在  
水綠山青似舊時

申元帥四隱圖

嚴子陵

羊裘隱跡喚難回  
曾犯當年帝座來  
京洛江湖各天性  
釣魚臺不羨雲臺

陶淵明



迎門兒女笑牽衣回首人間萬事非自是田園有真樂  
督郵那解遣君歸

孟浩然

平生只有住山緣北闕歸來也自賢破帽褰驢風雪裏  
新詩句句總堪傳

李太白

謫在人間凡幾年詩中豪傑酒中仙不因采石江頭月  
那得騎鯨去上天

大顛圖

星斗文章世所傳  
狂瀾回在禹功前  
先生不踏潮陽路  
震旦花開幾大顛

一夕投荒萬里行  
增光日月更誰能  
相逢盡說空門話  
多少人間有髮僧

三害圖

慷慨平西氣不衰  
勇於三害欲除時  
流芳已入忠臣傳  
何處人間更有詩

挾矢操弓短後衣揚揚意氣是男兒欲憑一怒除民害  
可惜為人自不知

平水八詠

陶唐春色

府西南三里有陶唐廟每至春月傾城出遊祭享

松柏森森護帝宮至今和氣在河東詩人不盡當時事  
八景圖中見國風

廣勝晴嵐

府北七十里。有寺曰廣勝。霍山之陽。寺下有海曰大郎。

等間過了萬千峰。偃蹇相看意不濃。洗出青山真面目。祇疑海底有天龍。

平湖飛絮

府西五里有泊曰平湖。姑山之東。汾水之西。四面皆楊柳如幄。三月上巳。居民祓禊於此。

三月湖邊祓禊亭。依依楊柳雨中青。晚來風起花如雪。

春色都歸水上萍

錦灘落花

府西門外有汾水退灘南北二十餘里皆樹桃焉

春風桃葉復桃根  
相妬封姨似少恩  
無限亂紅隨水去  
人間何處覓仙源

汾水孤帆

府西二三十里有渡口

古渡無人鳥跡多  
眼前歷歷舊山河  
片帆不是秋風客

誰向中流發棹歌

姑山晚照

府西五十里有姑射山神人居焉

物外神仙自一家等閒不許占煙霞只今冰雪人何處  
惆悵山前日易斜

晉橋梅月

府西南二十五里有縣曰襄陵北門外有橋如虹左

右皆梅圃

嫩寒籬落似江村雪裏精神月下魂  
橋北橋南路分處  
行人立馬待黃昏

西藍夜雨

府北五十五里洪洞縣之西有寺曰西藍近汾水一  
二里遶寺多花竹有水杯池

暮雲深鎖梵王家樓閣崢嶸閱歲華  
香火半殘僧入定  
卧聽窓外落簷花

錦堂四詠

春水滿泗澤

一番雨過綠生肥正是桃花欲浪時  
掠地風來吹不皺細看面面盡玻璃

夏雲多奇峰

初見雲從山裏出須臾雲結勢如山  
一聲霹靂催時雨雲不能閒山自閒

秋月揚明輝

誰為天公洗眸子試將把酒問姮娥  
清光一片已如許



斫却桂時應更多

冬嶺秀孤松

凜凜蒼髯晚節孤雪中  
傾蓋若旁無一經元亮盤桓後  
氣壓秦時五大夫

沁園十二詠

熙熙堂

眼前草木強爭春  
往日繁華一聚塵  
山水中間賞心在  
不知誰是肯堂人

翠蘭亭

蓬艾叢深特地藏游蜂何處覓幽芳楚人大段無分別  
不識離騷傳裏香

暗香亭

三兩橫斜鶴膝枝一朝須有返魂時試看今夜黃昏月  
得似西湖七字詩

七賢臺

放跡山陽志尚同至今林下仰高風欲將人物圖中看

恐遇生前李衛公

李衛公焚七賢圖

漱玉池

古人觀水必觀瀾一滴涓流一滴寒故取黃陂千萬頃  
莫教龍口吐吞難

江源亭

有流杯

羽觴到處不容停爭看中流落酒星彼此一時修禊事  
未應人物愧蘭亭

屏俗庵

子猷別墅

世上無人可立談眼前只有此君堪當年借得誰家宅  
疑是今來屏俗庵

清暉亭

高山森似劍鉞立流水平如羅帶舒人在水光山色裏  
笑渠潘閭倒騎驢

富覽亭

天於萬物豈私我領畧風光天不嗔自古山陽景佳處  
盡都分付與閒人

桃園

一時得意笑春風  
不見春風滿樹空  
老去惜花心尚在  
為君留眼看蒸紅

意在亭

綠水古今洗不盡  
好山前後勢相連  
適來荷蕢者誰子  
應笑有心哉此賢

涌珠泉

淵底睡龍徒有頷  
沙中老蚌恐無胎  
疾雷驚裂蒼苔地

迸出鮫人淚顆來

碧落四景

橫峯卧雲

蟄龍起後願相從  
便有人間潤物功  
一片青山是歸處  
無心更逐渡溪風

陰壑積雪

漠漠山陰雪擁門  
何時天道變寒暄  
雖然不是回光地  
銷得陽和幾許恩

寒泉漱玉

瀝瀝山泉枕畔鳴六根先得一根清從來只向琴中聽  
不識徽絃意外聲

枯松挂月

門前老樹數難推獨有栽松道者知夜半風催山月上  
政當鶴睡覺來時

周昉內人圖

吹笙

舊曲聞來似飲睂料應祇恨賞音遲  
梨園傳得新翻譜著意參差竹裏吹

汲泉

非關古井不波瀾祇恨銀瓶一掬慳  
欲助長流御溝水再教紅葉到人間

剪爪

袖裏纖纖只合存如何春筍不嫌髭  
金釵墜後無因見藏得開元一捻痕



彈琴

休言三尺是枯桐大抵聲音與政通  
曾得君王意中事便從絃上和薰風

學書

數幅雲箋自卷舒試教落筆看何如  
休將彤管題閒句正要班姬續漢書

御訂全金詩增補中州集卷四十九

欽定四庫全書

御訂全金詩增補中州集卷五十

李俊民七

襄陽詠史

襄陽

闕

南峴山

闕

中峴山

闕

萬山

闕

江漢

關

古隄

關

年平地溢

四丈五尺魏太守胡烈補缺隄以利民至唐盧鈞為  
山南節度因烈之舊而增培之俗謂附城北者為金  
鎖隄南曰白銅隄

一決江源水自東長隄隱隱卧如虹不因傳得襄陽操  
人世何由見禹功

白沙湖

張參議詩未雨還須徹桑土白沙湖上水湯湯元祐  
二年邢恕守襄詔以漢有決溢之患其畫經制久遠  
之策公來訪被水之地得之東南隅當漢水之衝土  
雜白沙水至輒陷民號曰沙湖隄之內其勢平一決  
則兩城相望三十里瀦為汙澤近郊之民趨西山甚  
至登木杪

聞道沙隄水陷時茫茫無處覓完隄當時禹跡依然在

以壑為隣笑白圭

戍邏墾田

羊公鎮襄陽吳人罷守石城戍邏減半分以墾田八  
百餘頃公之始至無百日之糧及季年有十年之積  
屯徹南陽井井田劍牛刀犢兩功全石城驚落吳兒膽  
野宿貔貅萬竈烟

樊城

在襄陽北漢江之湄張參議詩昔年山甫興周地想

見曹仁霸魏功昔仲山甫封於樊關羽攻之不能破  
暫來朱序秦還守初入曹仁漢復功顛倒江山今幾主  
樊侯依舊襲周封

楚昭王廟

在宜城東北唐韓愈作宜城記言之甚詳愈又有昭  
王廟詩丘墳滿目衣冠盡城闕連雲草樹荒猶有國  
人懷舊德一間茅屋祀昭王

一間茅屋暗塵埃香火淒涼幾莫杯故國到今如傳舍

後人復使後人哀

保漢公廟

在襄陽子城南世傳紀信忠義祠今為州之城隍廟  
將將提兵氣自揚一朝翻為沐猴忙得從虎口抽身去  
不必雷霆怒假王

鄧城

蕭何初封在谷城縣西漢功臣表高祖六年十二月  
甲申封曹參以正月甲午封張良最後封蕭何



誰是興劉第一功我侯只合最先封當時獵犬猶爭甚  
得鹿權都在指蹤

三顧門

世傳襄陽水西門為三顧門先主自此三往見武侯  
張參議詩水西門外公來處

將軍命駕出門西想見門從向日題山下卧龍誰說破  
賞音元直在檀溪

隆中

諸葛亮宅

一朝師出震關東料敵曹吳幾日功未必將軍天下計  
乾坤容易老英雄

鹿門山

有龐德公宅在襄陽東南三十二里杜贈別鄭鍊赴  
襄陽詩為於耆舊內試覓姓龐人

百年巢穴子孫安十日長聞九日閒說破姓名人不識  
鹿門山是德公山

龐士元宅

在襄陽

鷹自養來饑肯去  
龍從卧後顧須頻  
到頭驥足非難展  
祇在當時駕馭人

徐庶宅

在檀溪之陽習鑿齒與謝安書云  
游目檀溪念崔徐之交

誰知方寸去留初  
盡把功名付葛盧  
舉目檀溪人不見

空傳谷隱念交書

谷隱山

桓溫覬覦非望習鑿齒著漢晉春秋以裁正之後以  
脚疾廢於里巷襄陽陷堅素聞其名與釋道安俱輿  
而致焉與諸鎮書昔晉平吳得二陸今獲士才一人  
有半耳

袞斧留心漢晉間豈期谷隱避名難一人有半隨秦去  
不得相離釋道安

龐公祠

唐龐蘊也祠在鹿門山本自衡山得馬大師法來隱  
張參議詩家池龍種去無踪珍重龐公似德公龐德  
公宅在鹿門山

踏破衡山急急回鳳林盡是陸離材大家了得無生著  
傾出團圞話裏來

斬蛟渚

晉鄧遐為太守襄陽城北沔水中有蛟嘗為人害遐

拔劍入水斬之而去

久憤江干投水俗近憂泉室泣珠人到頭不是池中物  
血濺驚波劍有神

夫人城

今在襄陽西北一里符丕之攻朱序也其母韓深識  
兵勢自登城履行謂西北角當先受弊遂令百餘婢  
并城中女丁於其角斜築城二十餘丈寇力攻西北  
果挫衄而退襄陽號曰夫人城

見說韓門素識兵故知西北勢先傾  
未應有子如豚犬何在夫人自築城

誠虎碑

宋傅僕字子成為襄陽令有善政縣多虎僕常追虎  
入城誠勵虎去不復為害邑人為立碑

未除不必煩周處欲刺何須待卞莊入市如羊聽命去  
至今無害到襄陽

尹氏一門四闕

在襄陽縣東南三里唐尹怱有父曰嗣宗居喪逾禮  
貞觀中旌表怱年十三竭力就養父卒負土成墳紫  
芝產墓側天子下詔稱揚龍朔中刺史改其閭曰南  
陔里子慕先孫仁恕皆著孝行萬歲通天中繼被寵  
褒一門四闕張柬之張九齡為之記贊歐陽文忠公  
集古錄言之甚詳

萱堂猶是忘憂地烏屋相傳反哺恩一段家風自誰出  
千年鼻祖守關門



武安君廟

祠白起在南漳縣

歸去咸陽是白頭如何此地肯重游分明祀典無交涉  
只合英靈在杜郵

修禊亭

在峴山半王子年拾遺記云江漢之人思周昭王至  
春上巳祓禊集王祠不如屈原故事

相喚相呼上巳游國人無日不思周近來烽火連三月

那得閒杯逐水流

漢陰臺

在宜城西三十步莊子子貢過漢陰見一丈人方將  
為圃鑿隧而入井抱甕而出灌用力甚多而見功寡  
子貢曰有械於此夫子不欲乎鑿木為機後重前輕  
挈水若抽其名為槔為圃者笑曰有機械者必有機  
事有機事者必有機心機心存於胸中則純白不備  
神生不定非吾不知羞而不為也

怪來賜也多言甚笑倒忘機老漢陰巧拙大都歸一洗  
寧教勞力莫勞心

善謔驛

在宜城縣驛前有淳于髡墓

皆因孟酒與豚蹄致使他鄉笑滑稽無限驛亭來往客  
獨言齊贅不歸齊

滄浪歌

屈原既放游於江潭漁父見之鼓枻而歌曰滄浪之

水清兮可以濯我纓

江上揚揚一棹波  
衆中清濁笑懷沙  
不知歌後滄浪曲  
却入騷人屈宋衙

競渡

屈原以五月五日起汨羅  
土人追至洞庭湖  
欠舟水  
莫得濟者乃歌曰  
何由得渡湖  
自此習以相傳為之  
戲

憔悴沉湘楚大夫  
魂招魚腹肯來無  
至今江上漁歌在

尚問何由得渡湖

抱玉巖

在南漳縣卞和得玉於此以進楚王王以為詐刖其  
足乃抱玉泣於荆山

特特來從抵鵲山一心都在獻芹間非關楚國真難辨  
舉世人皆厭等閒

習家池

即嵩陽池也在峴山南百步水經云沔水東入襄陽

習郁池內郁依范蠡養魚法作大陂列植竹木游讌  
之名處也

日日山公載酒過醒時常少醉時多兒童拍手闐街笑  
驚破滄浪一曲歌

的顱溪

本名檀溪在襄陽西四里劉表因會取劉備備潛遁  
所乘馬名的顱可努力的顱一躍三丈渡中流而追  
者至

得雨蛟龍未易圖枉勞木偶用機謨死生畢竟誰堪托  
今日纔方見的顱

作樂山

酈道元注云昔諸葛亮好為梁父吟每所登游俗以  
作樂山名之今在襄陽西北二十里

悠悠曾不倦登臨眼底何人為賞音白雪一歌猶掩耳  
安知梁父是龍吟

冠蓋里

漢靈帝時宜城太山廟有四郡守七都尉二卿五侍  
中一黃門侍郎三尚書六刺史朱軒高蓋全日會於  
山下荊州刺史劉表行部見之甚歡歎其豪盛乃題  
道口亭為冠蓋里刻石銘之

道口亭前多貴游一時來往亦風流若能共畫安劉計  
豈獨英雄記裏收

呼鷹臺

在襄陽縣東七里高三丈表性好鷹常登此臺歌野



鷹來曲臺之側有司馬徽龐統二宅

英豪竝起望人才底事將軍漫築臺倘使曹公肉能飽  
如何喚得野鷹來

仲宣樓

在萬山王仲宣故宅郭帥杲移井欄於戎司其後破  
碎埋沒李帥奕收拾補甃置之便座側稽考古今歲  
月為之記

試看汲古幾何深猶有餘波慰渴心誰把石欄移便座

並鄰又得一繁欽

茲樓

王粲樓按襄陽雜詠題曰茲樓蓋取粲登樓賦所謂  
登茲樓以四望兮襄陽志亦因之而樓不存

見說襄陽有古風可憐耆舊老無功當年漢主龍興地  
盡在登樓四望中

沈碑

在萬山下杜元凱刻石為二碑記其勲績一沈萬山

之下一立峴山之上

中原人物老書生塞破乾坤萬古名俗子不知碑尚在  
一朝南渡愧荒傖

晉柏

在南峴山上即晉人所植下有小石題刻柯幹如鐵  
亭亭霜幹上參天色黛皮蒼老更堅當日不知誰手植  
到今人與樹千年

文選樓

在子城南門按祥符圖經云梁昭明太子於此樓選  
文選聚才人賢士劉孝威等一十餘人資給豐厚日  
設珍饌諸才子號曰高齋學士又云世傳文選成樓  
下所棄書與樓齊

朝朝暮暮蠹書魚選盡人間得意書常恐不能精此理  
祇緣老杜近樓居

解佩渚

在襄陽西十里北臨沔水有曲隄按郡國志鄭交甫

至漢臯臺下過二女佩二大珠交甫求之二女解佩  
行數里二女及珠俱失

相遇江臯事頗奇一雙佩解去還遺未能南國無游女  
詠取周人漢廣詩

弄珠泉

楚俗以嬉游為事襄沔記歲以正月二十一日二十  
二日謂之天地穿日移市於城北津弄珠灘按南都  
賦云游女弄珠於漢臯之曲

江沙一日蚌胎虛游女爭誇掌上珠美化不將風俗禁  
他年恐作媚川都

金沙泉

在宜城縣東一里造酒絕美世謂宜城者又云竹葉  
杯

何處山泉味最佳從來獨說有金沙楚人遍地宜城酒  
莫著溜澠誑易牙

涌月亭

在南峴山

徘徊亭上晚相宜  
月與高人本有期  
不比尋常三五夜  
十分圓後是來時

集古

南游

一片歸心白羽輕  
高蟾一場春夢不分明  
張泌東風二月淮

陰郡劉商總是關山離別情  
王昌齡

自遣

南路蹉跎客未回

樊

山桃野杏兩三栽

雍

逢春漸覺飄

蓬苦

才調集

更向花前酒一杯

嚴憚

雨後出郊

柳塘烟起日西斜

鮑溶

馬踏春泥半是花

竇

何處最傷游

客思

武元衡

綠陰相隔兩三家

司空圖

寒食

閒身行止屬年華

薛能

故國春歸未有涯

司空圖

一樹梨花

一溪月

才調集

不知牆外是誰家

郎士元



郭外

寒食悲看郭外春

王表

數聲鴉噪日將曛

潘嗣

山中舊宅無

人住

戴叔倫

一樹繁花傍古墳

盧綸

小桃

桃花依舊笑春風

崔護

悵望無人此醉同

趙嘏

應是夢中飛

作蝶溫樹頭樹底覓殘紅

王建

看花

兩岸山花似雪開

劉禹錫

開時莫放艷陽回

李商隱

明朝攜

酒猶堪賞

李涉

雨漲春流隔往來

劉商

感春

無人不道看花回

劉禹錫

猶憶紅螺一兩杯

陸龜蒙

曾是管

絃同醉日

趙嘏

來時歡笑去時哀

韋承

暮春

一年春色負歸期

韓偓

綠葉成陰子滿枝

杜牧

公子王孫莫

求好

韓琬

如今不似洛陽時

崔櫓

送春

可憐寥落送春心高駢負郭依山一徑深李涉燕子不歸花

着雨

韓偓

小溪猶憶去年尋山谷

二月已破三月來

杜子美

常嗟物候暗相催樊晃幾時心緒

渾無事

李商隱

終日傳杯不放杯山谷

遣興

讀徹閒書弄水回

趙嘏

綠楊移傍小庭栽文幹閉門盡日無

人到

韋莊

便有春光四面來

邵謁

下樓

繡簾朱戶未曾開

東坡

却向東風領恨回

李山甫

行到中庭

數花朵

劉禹錫

遙聞語笑自空來

李端

招飲

當時朝士已無多

劉禹錫

故里心期奈別何

羊士諤

不用凭

欄苦回首

杜牧

且來花裏聽笙歌

東坡

春感

歲歲無如老去何

劉長卿

東城南陌強經過

謝朓

不知誰

唱春歸曲

曹唐

斷得人腸不在多

王建

約同歸

故國烟花想已殘

盧弼

浮生各自繫悲歡

司空圖

青山一道

同雲雨

王昌齡

步步相攜不覺難

劉禹錫

江村

夜添山雨作江聲

羊士諤

綠暗紅藏江上村

韋莊

何處人間

似仙境

劉禹錫

寥寥一犬吠桃源

劉長卿

送客之江陵

獨上江樓思渺然

趙渭南

故人去後絕朱絃

山谷

西南一望

和雲水

竇

入郭登橋出郭船

羅隱

贈別

蕭蕭落葉送殘秋

權德輿

樓上黃昏欲望休

李商隱

滿目暮

雲風捲盡

陸龜蒙

亭亭孤月照行舟

蓋嘉運

秋懷

八月霜飛柳遍黃

盧弼

鳥啼山館客思鄉

薛逢

十年馬足知

多少

瘴地角天涯不是長

張建封

洛中

洛陽猶自有殘春

劉禹錫

水北源南草色新

張籍

山酒一卮

歌一曲

許渾

不能迴避看花塵

趙渭南

### 洛中感舊

千里江山一夢回

盧中

悔緣名利入塵埃

雍陶

年光到處皆

堪賞

令狐楚

誰與愁眉唱一杯

山谷

### 席上

春風寂寞旆旌回

武元衡

兩度天涯地角來

雍陶

重到笙歌

分散地

杜牧

與人頭上拂塵埃

李山甫

憶昔

憶昔爭游曲水濱

王

駕當軒下馬入錦茵

杜子美

如今不似

時平日

王建

風起楊花愁殺人

李益

南征

兩行旌旆接揚州

李涉

烽火城西百尺樓

王昌齡

九姓如今

盡臣妾

趙嘏

青天猶列舊旄頭

汪遵

老將

蓬根吹斷鴈南翔

盧弼

曉鼓聲中兩鬢霜

趙嘏

獨倚闌亭還



把酒

杜牧

不堪秋氣入金瘡

盧綸

憐君一見一悲歌

劉長卿

破虜曾輕馬伏波

趙嘏

今日寶刀

無殺氣

朱沖和

太平功業在山河

吳融

門前不改舊山河

趙渭南

淚落燈前一曲歌

李羣玉

更把玉

鞭雲外指

韋莊

只緣君處受恩多

朱沖和

### 感征夫家

臂上彫弓百戰勲

王維

居延城外又移軍

令狐楚

不知萬里

沙場苦

高駢

猶自笙歌徹曉聞

王建

從軍

萬里還鄉未到鄉

盧綸

受降城外月如霜

李益

誰家營裏吹

羌笛

益嘉運

不是愁人亦斷腸

戴叔倫

聞笛

山頭烽火水邊營

來鵠

祇有牛羊與馬羣

益嘉運

羌笛何須

怨楊柳

王之渙

忍教嗚咽夜長聞

趙嘏

漢女

天邊物色更無春

益嘉運

碧玉芳年事冠軍

楊巨源

人世死

前惟有別

李商隱

陽臺去作不歸雲

趙渭南

有別

長對春風裊淚痕

才調集

殷紅馬上石榴裙

張謂

無端更唱

關山曲

王表

哀怨教人不忍聞

益嘉運

悼征婦

萬里行人尚未還

儲嗣宗

百年多在別離間

盧綸

當時驚覺

南柯夢

李涉

為雨為雲過別山

李羣玉

代送別

隴上流泉隴下分

崔涯

目隨征鴈過寒雲

李涉

人生失意無

南北

王介甫

莫向陽臺夢使君

戎昱

睡起

萬轉千回懶下牀

崔氏

不辭鶉鴂妬年芳

李商隱

酷憐一覺

平明睡

羅隱

枕破施朱隔宿妝

薛能

無睡

江南江北望烟波

劉禹錫

顰黛低紅別怨多

李羣玉

盡日傷

心人不見

許渾

卧來無睡欲如何

李商隱

漫書

已共紅塵跡漸疎

李九齡

畫簾愁見燕歸初  
徐疑無端有寄

閒消息

杜牧之

腸斷蕭娘一紙書

崔氏

寄情

年光空感疾如流

吳商浩

同向春風各自愁

李商隱

有境牽

懷人不會

齊己

落花深處指青樓

權德輿

曾留宋玉舊衣裳

李羣玉

雲雨巫山枉斷腸

李太白

不為傍

人羞不起

西廂崔

夜來新惹桂枝香

裴思廉

寂寥滿地落花紅

京兆女子

獨倚欄杆花露中

趙嘏

征客未來

音信斷

張泌

年年回首泣春風

王傑

秋夜

擲却風光憶少年

顧况

多生信有短因緣

鮑安

生

欲知此恨

無窮處

羅虬

星落銀河月半天

趙象

有感

風輕簾幙燕爭飛

才調集

到處烟花恨別離

韋莊

倚柱尋思

倍惆悵

張泌

映人勻却淚胭脂

韓偓

戲答

公子王孫逐後塵

崔郊

近來方解惜青春

鄭谷

春心不愜空

歸去

滕傳嗣

長伴吹簫別有人

劉禹錫

戲遣

雨散雲收一餉間

真氏

不知何處入空山

盧綸

慙慙好取襄

王意

戎昱

下蔡城危莫破顏

李商隱

枉破陽城十萬家

李商隱

門前初下七香車

王維

自緣今日

人心別

鄭都官

隔座剛拋豈翫花

軍倅

偶見

莫愁還自有愁時

李商隱

眉斂春山知為誰

東坡

含淚向人

羞不語

崔涯

芙蓉頭上綰青絲

李涉

滿身花影倩人扶

陸龜蒙

清潤潘郎玉不如

楊巨源

畢竟多

情何處好

韋莊

庾樓明月墮雲初

趙渭南

雲髻朝來不欲梳

徐凝

娉娉嫋嫋十三餘

杜牧

分明記得

曾行處

方干

看遍花枝盡不如

趙嘏

聽歌



清歌空得隔花間

揚巨源

寂寞堂前日又曛

趙嘏

共待夜深

聽一曲

戴叔倫

女兒絃管弄參軍

薛能

### 寄懷

愁雲漠漠草離離

竇牟

去國還家一望時

韓琮

幾度相思不

相見

武元衡

雪中梅下與誰期

李商隱

### 秋怨

且將團扇暫徘徊

王昌齡

淚滴閒階長綠苔

鄭谷

春色似憐

歌舞地

姚合

不論時節遣花開

東坡

悲故宮人

雲慘烟愁苑路斜

孟遲

宮鶯銜出上陽花

雍陶

朱鉛滴盡無

心語

張祜

生死深恩不到家

竇鞏

懷古

暮雲宮闕古今情

韓琮

芳草長含玉輦塵

韓偓

春意自知無

主惜

崔櫓

落花猶似墮樓人

杜牧

舊游

山南山北雨濛濛

韋莊

十載長安似夢中

李涉

今日獨來張

樂地劉禹錫

故人墳樹五秋風杜牧

關中

岳北秋空渭北川

司空圖

一村桑柘一村烟韓偓行人莫訝

頻回首

貫休

記得春深欲種田

薛能

過梅溪舊居

遠到音書轉寂寥

徐凝

青山隱隱水迢迢

杜牧

村園門巷

多相似

雍陶

花落梅溪雪未消

靈澈

登山陽郡樓

將軍一去泣空營

乾符重謠

槐柳蕭疎遶郡城

羊士諤

試上高

樓望春色

李涉

落花流水歎浮生

溫庭筠

王公樓上會飲

詩酒能消一半春

趙嘏

紫微才調復知兵

崔道融

黃河九曲

今歸漢

薛逢

獨上高樓故國情

羊士諤

答籌堂

一夕秋風白髮生

才調集

相思迢遞隔重城

李商隱

前歡往

恨分明在

韓偓

贏得青樓薄倖名

杜牧

重九

事去人亡跡自留

劉長卿

白雲猶似漢時秋

岑參

如今暫寄

樽前笑

劉禹錫

明日黃花蝶也愁

東坡

十日遣興

露葉如啼欲恨誰

劉禹錫

曉庭空遶折殘枝

鄭谷

芳樽有酒

無人共

趙嘏

卧看南山改舊詩

韋莊

古城

東風漸急夕陽斜

朱鵠

馬上懷中盡落花

薛能

腸斷入城芳

草路

韋莊

孤烟起處是人家

東坡

送行

天涯方嘆異鄉身

韋莊

雲別青山馬踏塵

趙南

欲問孤鴻

向何處

李商隱

依依還似北歸人

東坡

宮柳

寒食東風御柳斜

韓翃

輕盈婀娜占年華

劉禹錫

試看三月

春殘後

李山甫

不見人烟空見花

韓偓

對花

盡是劉郎去後栽劉禹錫為誰零落為誰開嚴憚風流才子

多春意

戴叔倫

半醉閒吟獨自來

高駢

### 宿橫望

遠上寒山石徑斜

杜牧之

月臨荒戍起啼鴉

高蟾

故鄉今夜

思千里

高適

每到花時不在家

張祜

### 妓為尼

無地無媒只一身

趙渭南

蛾眉畫出月爭新

高駢

春來削髮

芙蓉寺

楊巨源

從此蕭郎是路人

崔郊

新居

每憶雲山養短才

雍陶

蓬門今始為君開

杜美

落花寂寂

黃昏雨

韋莊

依舊去年雙燕來

趙南渭

寒食野外

浮雲飛盡日西頽

韋諷

莫向花前泣酒杯

趙嘏

獨上郊原人

不見

成文幹

野風吹起紙錢灰

吳融

贈別

綠柳纔黃半未勻

楊巨源

灞橋攀折一何頻

皇甫冉

相逢且



莫推辭酒

白樂天

明日忽為千里人

劉禹錫

### 惜春

自有林亭不得閒

溫庭筠

長安豪貴惜春殘  
昌黎晚來風起

花如雪

劉禹錫

為問無情歲月看

高蟾

### 春望

半似羞人半忍寒

韓偓

風和時拂玉欄干

段成式

門前不見

歸軒跡

錢起

強把花枝冷笑看

張祜

### 寒食夜雨

風景依稀似去年

趙渭南

鳥啼花發柳含烟

顧况

夜深斜搭

鞦韆索

韓偓

獨向簷牀看雨眠

雍陶

### 早行

一聲歌盡各東西

趙渭南

花外烟濛月漸底

陸龜蒙

馬上正

吟歸去好

韋莊

山山樹裏鷓鴣啼

張籍

### 過友人別墅

少游京洛共紅塵

李益

依舊瓊林照映人

山谷

且向白雲求

一醉

戴叔倫

麻衣草坐亦終身

靈澈

不遇

來往風塵共白頭

戴叔倫

誰人肯向死前休

韓退之

直教挂

子落墳上

賈島

富貴何嘗潤髑髏

山谷

豈有文章動聖君

丁謂

欲將書劍學從軍

溫庭筠

關身者

翁綬

執戟官資笑子雲

孫僅

隱居

北去秦關路幾多

李商隱

中原無鹿海無波

吳融

荷蓑不是

人間事

李涉

造物小兒如予何

東坡

訪隱者不遇

忽聞春盡強登山

李涉

却笑孤雲未是閒

施肩吾

惆悵仙翁

何處去

高駢

尋君不見又空還

韋應物

懷韓居士

烏巾年少歸何處

姚合

陵谷依然世自移

李涉

上天下地鶴

一隻

高駢

還在人間人不知

東坡

古道人

鶴骨飄飄紫府仙

東坡

香風引到大羅天

牛僧孺

無人寂寂

春山路

李羣玉

洞在清溪何處邊

張顛

遊仙

霧為襟袖玉為冠

韓偓委佩低簪彩仗閒

劉禹錫

上界真人

足官府

韓退之

不如歸去舊青山

東坡

李道者

麻衣少年雪為顏

施肩吾

聞說經旬不啓關

韓偓

弄玉已歸

蕭史去

趙嘏

洞門深鎖碧窓寒

高駢

仙廟

桂冷松香十里間

康求

水晶如意玉連環

李商隱

年年笑伴

皆歸去

盧綸

門對寒流雪滿山

韋應物

殿臺渾不似人寰

劉禹錫

花態嬌羞月思閒

李涉

高坐寂寥

塵漠漠

唐永

秋風落葉滿空山

謝皎然

### 女仙臺

上清真子玉童顏

李涉

石座苔花自古斑

王禹偁

雲雨今歸

何處去

竇牟

受人祭享占人山

郭震

### 聽琴

蟬鬢慵梳，悵倚門。

劉

抱琴花夜不勝春。

趙渭南

不應更學。

文君去。

李昌穀

擬作梁園座右人。

劉禹錫

### 怨別

書來未報幾時還。

竇

終日昏昏醉夢間。

李

涉別易會難長。

自歎

韓

傭不堪重過望夫山。

真氏

### 寄遠

桃李年年上國新。

李

單于鼓角隔山聞。

馬

逢一行書信千。

行淚

王

駕不是思君是恨君。

武元衡

恨別

悽悽常似別離情

韋莊

冰簟銀牀夢不成

溫庭筠

昨夜秋風

今夜雨

盧綸

篝燈愁泣到天明

韓偓

君問歸期未有期

李益

邇來中酒起常遲

韋莊

鴻來雁度無消

息

駱賓王

指點庭花又過時

韓偓

感舊

流鶯驚起不成棲

陸龜蒙

又到繁華夢覺時

崔塗

人面只今

何處去

崔護

魏公懷舊嫁文姬

舒元



碧欄干外繡簾垂

韓偓

曾識雲仙至小時

李涉

見我佯羞頻

顧影

李商隱

滿頭猶自插花枝

劉德

九陌初晴處處春

趙渭南

日高深院斷無人

李商隱

樽前花

下長相見

劉夢得

宋玉東家是舊隣

王碩

### 塞上

古溝芳草起寒雲

許渾

斷續鴻聲到曉聞

令狐楚

萬里江山

今不閉

李益

死生同恨舊將軍

高駢

### 登樓

東池送客醉年華

呂溫

獨倚危樓四望賒

李九齡

日暮鳥啼

人散盡

吳融

輕風細雨落殘花

武元衡

元

花期不赴

雲泥豈合得相親

戎昱

還把閒吟慰病身

丁謂

一種是春長

富貴

杜子美

有愁人有不愁人

來鵬

山中偶得

棄擲功名脫屣間

孫綽

東風吹雨過青山

盧綸

行人莫話金

章貴

鄭谷

久許孤雲作往還

義先

重九日

二十餘年別帝京

劉禹錫

可能朝市汙高情

韓偓

秋光何處

堪消日

李法

漫遶東籬嗅落英

東坡

九日戲幕賓

一任斜陽送客愁

沈彬

邊鴻不到水南流

劉禹錫

自從身逐

征南府

張祜

破帽多情却戀頭

東坡

晚菊

白露寒花自遶籬

羊士諤

從他桃李笑開遲

冉宗

一年秋

色吟中盡

沈彬

門外重陽過不知

齊已

十日對菊

籬菊香寒晚吹生

孫僅

可能榮落在朝昏

李商隱

浮生也共

花無別

杜光庭

不受陽和一點恩

李山甫

梅

我今移爾滿庭栽

韋莊

不向東風怨未開

雍陶

回首看花花

欲盡

高駢

北人初識越人梅

東坡

落梅

每到花時把酒杯

韓偓

暮天何處笛聲哀

趙南


縱然一夜

風吹去

司空文明

不恨凋零却恨開

杜牧



御訂全金詩增補中州集卷五十